



SIARAN MEDIA

RM883 juta bayaran GKP Tambahan kepada 900,000 PKS Mikro disalurkan mulai 25 Mac 2021

SIARAN MEDIA | 22 MAC 2021



Di bawah Pakej Bantuan Perlindungan Ekonomi dan Rakyat Malaysia (PERMAI), Kerajaan telah mengumumkan bantuan kewangan secara one-off sebanyak RM1,000 melalui Geran Khas Prihatin (GKP) Tambahan kepada PKS mikro di 12 negeri Perintah Kawalan Pergerakan (PKP) yang berkuatkuasa pada bulan Januari dan Februari 2021 serta RM500 kepada PKS mikro di negeri bukan PKP. GKP Tambahan ini bertujuan meringankan beban kewangan perniagaan ekoran penularan wabak COVID-19 dan bagi meningkatkan produktiviti pengeluaran dan perkhidmatan PKS mikro.

Sukacita dimaklumkan bahawa semua PKS mikro yang telah diluluskan di bawah GKP 1.0 dan GKP 2.0 sebelum ini akan menerima bayaran GKP Tambahan mulai 25 Mac 2021 melibatkan implikasi kewangan sebanyak RM883 juta. Pembayaran akan dikreditkan terus ke akaun bank yang didaftarkan dalam sistem GKP dan semakan status kelulusan boleh dibuat mulai 24 Mac 2021 di Portal GKP, iaitu gkp.hasil.gov.my.

Mengambil kira GKP 1.0, GKP 2.0 dan GKP Tambahan yang diluluskan, jumlah keseluruhan penerima GKP adalah hampir 900,000 PKS mikro dengan jumlah bantuan kewangan sebanyak RM3.58 bilion.

YB Tengku Datuk Seri Utama Zafrul Tengku Abdul Aziz Menteri Kewangan
22 Mac 2021

LAMPIRAN

Perincian penerima GKP Tambahan PERMAI adalah seperti berikut:

	PENERIMA	SYARAT	KADAR (RM)	TARIKH BAYARAN	JUMLAH (RM)
GKP SABAH	54,000	Penerima GKP 1.0 dan 2.0 termasuk Rayuan	1,000	25 Mac 2021	54 juta
GKP NEGERI PKP	812,000		1,000		812 juta
GKP NEGERI BUKAN PKP – SARAWAK	34,000		500		17 juta
JUMLAH	900,000				883 juta

[PERMAI](#)[GKP Tambahan](#)[Siaran Media](#)[Koleksi Ucapan](#)[Petikan Akhbar](#)[Foto](#)[Video](#)[Pengumuman](#)[Laporan LAKSANA](#)[Tender](#)

POPULAR TAGS

[BERNAMA](#)[TENGGU ZAFRUL](#)[BAJET 2022](#)[COVID-19](#)[LAPORAN LAKSANA](#)[KELUARGA MALAYSIA](#)[TMK I](#)[PENJANA](#)[PRIHATIN](#)[TEAM MOF](#)[HARGA MINYAK](#)[PRICE OF PETROLEUM](#)